

元

詩

紀

事

元詩紀事卷八

侯官 陳衍 緝

吳鎮字仲珪嘉興人自號梅花道人有梅花菴稿

墨菜畫卷

菘根脫地翠毛濕雪花翻匙玉肪泣蘋婆金谷暗塵土美
人壯士何顏色山人久刮龜毛耗囊空不貯揶揄錢屠門
大嚼知流涎淡中滋味吾所便元脩元脩今幾年一笑不
直東坡前

鐵網珊瑚白徵梅花道人因食芥糜戲而作此友人過廬索墨戲因書而遺之聊發同志一笑也至正己丑

平林野水圖

平林方漠漠野水正湯湯蒼莽日欲暮年華客異鄉草店月初冷村路迂更長渡頭人散後漁父正鳴榔

清閑閣集元初真士嘗居嘉禾紫虛觀好與吳仲珪隱居游故得其詩畫爲多今年十月余始識元初即出示此幀命僕賦詩因走筆次吳隱君詩韻題於上隱君自號梅花道人云至正二十一年歲在辛丑倪瓚記

陳方字子貞自號孤篷倦客京口人

雲林生惠山圖次元韻

佳樹陰森欲礙空畫成夜落燈花紅絳憐帶經自鋤者未忍竟別天隨翁汾河春雲散高柳湘水微茫綠於酒翁歸天未見青山臨風莫負揮弦手

清閑閣集至正五年三月八日玄素先生來林下讀乃賦詩曰吳淞江水春暎空波浪汎汎霞映紅

耕田鑿井居其左令我長懷甫里翁夢見淮甸江畔柳剝啄敲門散盃酒整冠起接平生歡石逕蘭芳重攜手雨後共步林下正見惠山先生命瓊寫之畫訖因書此詩於上張外史陳先生見之必大笑也倪瓈記

潘純字子素廬州合肥人

輟耕錄于素嘗作幅卦譏世之仕宦人以突梯滑稽而得顯爵者

題畫

阿翁作畫如說法信手拈來種種佳好水好山塗抹盡阿婆臉上不會搽

輟耕錄嘉興林叔大掾江浙行省時貪墨鄙吝然頗交接名流以沽美譽其於達官顯宦則封拜殷豕品饌甚盛若士夫君子不過索湯餅而已一日延黃大癡作畫多士畢集而此品復出譏謔交作叔大赧甚不敢仰視遂揖潘子素求題其畫子素即書一絕句云云大癡笑謂曰好水好山言達官

顯宦也阿婆臉不搽言素面也言未已子素復加一句云諸佛菩薩摩訶俱不辭其意子素曰此謝語即僧家懺悔也閑堂大笑而散叔大數曰羞見客

弔岳王墓

海門寒日澹無輝偃月堂深晝漏遲萬竈貔貅江上老兩宮環珮夢中歸內園羯鼓催花發小殿珠簾看雪飛不道帳前胡旋舞有人行酒着青衣

輟耕錄最贊貧人口者如云云

陳旅字衆仲莆田人薦除國子助教官至國子監丞有安雅堂集

山堂肆考游京師翰林侍講學士虞集見其所爲文嘆曰此所謂我老將休付子斯文者矣
春明夢餘錄元人董宇定杏花園在上東門外植杏千餘株至順辛未王用亨與華陰楊廷楨計安

張質夫蒲陽陳衆仲謙集是日風氣清美飛英時至巾袖杯盤之上皆有詩虞集爲之記

句

能守不成三瓦戒

輞耕錄陳衆仲先生嘗題樂全堂有云云之句人多不知所謂按史記龜策傳云天尚不全故世爲屋不成三瓦而陳之注陳猶居也

傅若金字與礪本字汝礪新喻人以薦佐使安南歸除

廣州文學教授有清江集

悼亡

驚颺吹羅幙明月照階阤春草忽不芳秋蘭亦同死斯人
蘊淑德夙昔明詩禮靈質在獨化孤魂將安止迢迢湘西
山湛湛江中水水深有時極山高有時已憂思何能齊日

月從此始

皇天平四時白日一何遽勤儉畢婚嫁新人忽復故衾裳
歛遺襲棺槨無完具送葬出北門徘徊但歸路玉顏不可
恃况乃紩與素繅纍花下墳鬱鬱望西樹他人亮同此胡
爲獨哀慕

新婚誓偕老恩義永且深旦暮爲夫婦哀戚奄相尋涼月
燭西樓悲風鳴北林空帷貧巾櫛中房虛纖紅辭章餘婉
變琴瑟有餘音曉言瞻故物惻愴內不任豈無新人好焉
知諧我心掩穴撫長幕涕下霑衣襟

人生貴有別室家各有宜貧賤遠結婚中心兩不移前日
良宴會今爲死別離親戚各在前臨訣不成辭傍人拭我

淚令我要裁悲共盡固同理誰能心勿思

感獨

幽幽蕙草晚靡靡蘭芳斷皎皎夜泉人冥冥不復旦流塵
棲暗壁涼吹經虛幔無論懽意消日復愁思亂魂傷夕方
示氣變秋將晏當窗慘斷素捐鑑悲柔翰憶初成好合誓
且同憂患何言遂長終獨處增示歎寤寢忽如在展轉驚
復散念茲何嗟及哀至聊自判

百日

人生悲死別矧在心相知新婚未及久杳杳遽何之昔爲
連理木今爲斷腸枝相去時幾何百日奄在茲虧月有圓
夕逝水無還期棄置非人情何以爲我思

入室

桂閣閉長夜幽蘭坐復春猶疑挑錦字不見掩羅巾故物
空在目蕭條生綱塵

虛窗明月滿芳砌綠苔滋花閒時染翰尙憶解題詩寂寞
幽泉下貞心空自知

追和蕙蘭

小窗閉盡碧桃枝憶得青鸞化去時昨夜秋風妬幽怨夢
中吹斷素琴絲

江上愁時復值春帶圍寬盡不宜身階前舊種櫻桃樹日
暮飛花故著人

毅耕錄先生既喪妻哀戚之情多見於詩云云哀而不傷得性情之正是可傳也已

憶內

湘臯煙草碧紛紛淚灑東風憶細君浪說嫦娥能八月虛傳神女解爲雲花陰晝坐閒金剪竹裏春游冷翠裙留得舊時殘錦在傷心不忍讀廻文

歸田詩話荆公一日歸行云賤貧奔走衣與食百日奔走一日歸生平歡意苦未盡正欲老大相依空房蕭颯施帷惟青燈半夜哭聲稀音容想像知何處他下相逢果是非劉須溪云此悼亡作也古無復悲如此者傳汝禡憶內云真致雖不及而悽惋過之

黃裳

留別

江岸梅花正白船頭細雨斜飛行客三冬北去將軍一棹南歸

相與唱和多有佳句裳甚歎之至界上留別詩云
一云

余闕字廷心唐兀氏世居武威父官合肥徙家焉登元
統癸酉進士第官至淮南行省左丞陳友諒來攻
城陷死之溢忠宣有青陽集

戴九靈集論者謂馬公之詩似商隱薩公之詩似
長吉而余公之詩則與陰麗何遙齊驅而並駕
案馬祖常薩薩都刺

八月十五夜處州分司對月

元武夕始正華月升秋旻徘徊出西陸照曜此區闢金波
何穆穆綠枝滿中輪餘輝動軒房紫闌含微津皇天降豐
歲王政亦已康樂哉一杯酒允矣同庶人

草木子浙東僉憲余闢案吾郡時中秋夜望月嘗作一詩題於分司官舍云云此詞清婉藹然有與民同樂之意後爲淮西宣慰守安慶孤城六年上
下援絕淮寇益熾城遂陷府前有大池自刎死於池妻子亦同死贈淮南行省右丞進平章事謚文貞公

案青陽集首韻升作生次韻乃金波云云枝作桂三韻乃徘徊云云四韻光流河宿隱氣隨商律振草木子無餘均同惟豐作嘉杯作卮

李祁字一初號希蘧茶陵州人登元祐元年進士第官至浙江儒學副提舉有雲陽集

昭君出塞圖

朔風吹沙天冥冥愁雲壓塞邊風腥胡兒執麾背人立傳道單于令行急蒙茸胡帽貂鼠裘誰信宮袍淚痕潔漢家恩深幸不早此身終向胡中老此身儻負漢宮恩殺盡青

青原上章

懷麓堂集族高祖希蘧先生當元季之亂慨然欲效一障以死而不可得又以爲委贊事人不可終負蓋見諸明妃詩及青陽集序自以不得如廷心爲恨也

和王子讓

老淚縱橫憶舊京夢中歧路欠分明天涯自信甘流落海內誰堪托死生短策未容還故里片帆直欲駕滄瀛他年便作芙蓉主慚愧當時石曼卿

句

諸葛有才終復漢管甯無計漫依遼

麓堂詩話族祖雲陽先生以詩名其和王子讓云云此洪武初寓永新時作也他詩如云云皆清激悲壯可詠可歌元詩體要乃獨取五言二絕蓋未見其全集也

宇文公諒字子貞京兆人元統元年登第官至嶺南廉

訪司僉事

西湖竹枝詞

蘇小門前騎馬過相逢白髮老宮娥自言記得前朝事只說當年賈八哥

西湖竹枝集詩文尚理趣歌是詩者知其人矣

蔡廷秀字君美松江人官袁州推官蕲寇起被執死之

句

旌旗小小將軍隊行李蕭蕭郎罷船一水白隨鷗鷺去萬山青逐虎龍眠

梧溪集尤好詩送閩人之廻檢云袁州宜春臺云云至今傳誦

李介石字守道丹邱人授松江府提控按牘從守鎮江
鎮江失守不屈死

西湖竹枝詞

春暉堂上挽郎衣別郎問郎何處歸黃金臺高尙回首南
高峯頂白雲飛

西湖竹枝集好學工詩有志於儒者也竹枝一詞
不以私語而託以愛親之意亦足裨風教云

樊執敬字時中鄆城人至正間官至浙江行省參知政
事賊犯餘杭戰死追封魯國公

七修類稿徐壽輝自徽犯浙西公逆賊於天水橋
巷戰死其妻與子溺於西湖杭人立祠祭焉楊繼
崖爲文紀之

觀潮題樟亭

烟波閃閃海門開平地潛生萬壑雷大信不虧天不老浙

江亭上看潮來

霏雪錄樊公時中爲浙江參政觀潮嘗題詩樟亭
云云公之志可見矣至正壬辰紅巾賊亂公張弓

抽矢馳射於其間賊應弦而斃者甚衆自卯至申
公矢盡竟死之

魯至道字

人至正間任潭州路總管

挽樊時中參政

主將無謀憚衆情賢參有志惜言輕狐羣衝突成妖孽黔
首驚惶望太平奮志從軍全節義殺身徇國顯忠誠歲寒
橋下清冷水夜夜空聞哽咽聲

挽寶哥參政

香魂俊骨墜深淵無智無謀亦可憐妖寇猖狂如有祟生

民凋瘵似無天芳名苟得千年在死節應當二日先欲向西湖酌尊酒淒風冷雨浪無邊

山居新話至正十二年壬辰七月初十日徽賊入寇杭州樊時中執敬爲浙省參政亟出禦賊北行至歲寒橋遇害先浙省以杭州路總管寶哥推賢攝參政調守禦崑山之太倉領軍而往駐於崑山舊州山寺離太倉州治三十餘里終於不往聞寇至遂遁匿於杭之寓舍適值賊破杭乃挈家潛於西湖舟中越三日鄰居無賴之徒利其所將恐之遂與次妻氏連結其衣袂溺水而死時潭州路總管魯至道作二詩挽之以寓褒貶之意

陳柏字新甫號雲喬泗州人嘗爲侍儀舍人後官至太

祝

輟耕錄陳雲喬性豪宕結客嘗被命監擣祭器於杭無錫倪元鎮慕其名來見之張宴湖山間雜設甚至酒終爲別以一帖餽米百石柏命從者移置近所舉觥引妓樂騁從者而前悉分散之顧倪曰

吾在京時即熟識名云南士之清者他無與比其所以章者蓋以米沾之也請從今日絕交時張伯雨在坐不勝跼蹐其豪氣類如此山居新話陳雲嶠陳平章之孫也倜儻不羈人以陳顥稱之後至元五年爲餘姚州同知因病求醫於杭稍愈值重陽日遂邀張伯雨及余同登高時雲嶠寓赤山李叔固丞相先塋余二人往焉乃扶杖游水樂洞憩石屋寺前露坐閒談雲嶠因自言曰我前身僧也泗州塔寺有住持者皆名之爲老佛齋戒精嚴一日呼侍者令作血臘羹欲食之侍者曰老佛一世持齋何故有此想乃不從遂怒之拂袖而去見陳平章曰我特來索血臘羹喫平章亦以齋戒爲答佛曰元來你也是不了事漢平章遂作此羹啖之即歸寺乃別大衆而作偈曰撞開平屋三層土踏破長淮一片冰遂趺坐而逝茶毗之日昇其龕至淮河岸冰合已久舉火之次忽大響一聲則河水自裂時平章在府中見老佛入於堂問之則後堂報生一子即某也言畢回飲於寓所而散明白伯雨送登高詩而頸聯有百年身付黃花酒萬壑松如赤脚冰之句余和韻云方外弟兄存晚節人間富貴似春冰雲嶠曰我無冰字且只以長淮一片冰答之不數日雲嶠告殂豈非說

破話頭而致然也

雪中騎牛拜米南宮墓

少年不解事買駿輕千金何如小黃犢踏雪空山深小小
雙牧童吹笛穿松林醉拜南宮墓地下有知音

輟耕錄嘗雪中騎牛拜米南宮墓詩云言世上無知音也平日喜居錢塘好古有餘而治才不足又不樂小官怒罵宰相年逾六十不得志而死其畢命時作偈云前身本是泗州僧

迺賢字易之本葛遷祿氏譯言馬也南陽人薦授翰林編修官有金臺集

王忠文公集河朔訪古記二卷合魯君易之所纂予爲之序曰合魯實葛遷祿本西域名國而易之之先由南陽遷浙東易之少力學工爲文辭既壯肆志遠游乃絕淮入穎經陳蔡以抵南陽由南陽浮臨汝而西至於洛陽由洛陽過龍門還許昌而至於大梁歷鄭衛趙魏中山之郊而北達於幽燕

於是大河南北古今帝王之都邑足跡幾徧凡河
山城郭宮室塔廟陵墓殘碣斷碑故基遺跡所至
必低徊訪問或案諸圖牒或訊諸父老考其盛衰
興廢之故而見之於紀載至於撫時觸物悲喜感
慨之意則一皆形之於詠歌既乃哀其所記載及
詠歌之什以成此書

頴州老翁歌

頴州老翁病且羸蕭蕭短髮秋霜垂手扶枯筇行復却探
瓢丐食河之湄我哀其貧爲顧問欲語哽咽吞聲悲自言
城東昔大戶腴田千頃桑陰圍閨門老稚三百指衣食儘
足常熙熙河南年來數亢旱赤地千里黃塵飛麥苗槁死
粟不熟長饑挂壁犁生衣黃堂太守足宴寢鞭朴百姓窮
膏脂耗天絲竹夜酣飲陽陽不問民啼飢市中斗粟償十
千飢人煮蕨供晨炊木皮剝盡草根死妻子相對愁雙眉

鵠形累累口生燄
鬻割餓莩無完肌
姦民乘隙作大盜
腰刀跨馬紛驅馳
嘯呼深林聚兇惡
狎弄劍槊搖旌旗
去年三月入州治
踞坐堂上如熊羆
長官邀迎吏再拜
餽送牛酒羅堦城
中豪家盡擣掠况
在村落人煙稀裂
囊剖篋取金帛煮雞
殺狗施鞭笞今年災
虐及陳頴疫毒四起
民流離連村比屋相
枕藉縱有藥石難扶治
一家十口不三日藁
束席卷埋荒陂死生
誰復顧骨肉性命喘息
懸毫釐大孫十歲賣
五千小孫三歲投清漪
至今平政橋下水濶
體白骨如山崖繡衣使者肅風紀下車察訪民瘡痍綠章
陳辭達九陛徹樂減膳心憂危朝堂雜議會元老恤荒討
賊勞深機山東建節開大府便宜斬礮揚天威親軍四出

賊奔潰渠魁梟首乾坤夷拜官納粟循舊典戰士踴躍皆歡怡淮南私廩久紅腐轉輸豈惜千金貲遺官巡行勤撫慰賑粟給幣蘇民疲獲存衰朽見今日病骨尙爾難撐持嚮非聖人念赤子墳委溝壑應無疑老翁仰天淚如雨我亦感激愁歎安得四海康且阜五風十雨斯應期長官廉平縣令好生民擊壤歌清時願言觀風采詩者慎勿廢我頽州老翁哀告辭

青陽山房集至正四年河南北大飢明年又疫民之死者半朝廷嘗議鬻爵以賑之江淮富人應命者甚衆凡得鈔十餘萬粟稱是會夏小稔賑事遂已然民罹此大困田菜盡荒蕪蓬沒人狐兔之跡滿道時余爲御史行河南北請以富人所入錢粟貸民具牛種以耕豐年則收其本不報覽易之之詩追憶往事爲之惻然

題汪水雲詩後

三月錢塘海不波子嬰繫組納山河
兵臨魯國猶弦誦客過商墟獨嘯歌
鐵馬渡江功赫奕銅人辭漢淚滂沱知
章喜得黃冠賜野水閒雲一釣蓑

歸田詩話元有詩一帙皆敘亡宋事可備野史
元馬易之題其帙後云云

李孝光字季和溫州樂清人至正初官祕書監丞卒

送僧朴菴用柯敬仲韻

月行天中央天高如屋極中有雪色兔下土人不識我曾
摩其頂仙吏晚我側世人乞毫光密如霧雨塞蹠踏河漢
搖洶湧若秋汐是誰知此奇南有彌天釋去去不復念令
人淚橫臚

梧溪集僧淳朴菴黃巖人壯游金陵與五峯李孝光並受知梁王一日公引柯九思見柯以寫竹遂

親幸王卽位獨召用柯李後送公詩云云若不能無憾者

岑安卿字靜能餘姚人

句

蛩鳴深巷靜月昃半樓明山高不礙夢日落易生愁

筆精岑安卿號榜楓山人有集一卷平淡不類元習如云云清新有味亦胡元瑞所未覩也

陳樵字居采婺州東陽人

西湖竹枝集居閭谷間衣鹿皮衣著書自號鹿皮子

掃葉僧將猿共爨賣花人與蝶俱還

筆精陳樵有詩一卷如云云殊有巧思

句

沈右字仲說號御齋吳中世家有清輝樓集

與慎獨先生

東林薄酒試新嘗中有松花膩粉香遣送潁川陳有道書齋渴飲勝茶湯

鐵網珊瑚廿八字偕一壺薄酒奉上惜不多耳揚誠齋文稿不曾收得所謂芍藥屋疑只是用幄布覆護者古人稱牡丹爲木芍藥白居易有詩云士張幕屋比豈亦本諸此未審是否更乞考正之右再拜

西湖竹枝詞

勸郎莫向花下迷勸君莫待醉如泥臨行更有分明語枝上流鶯休亂啼

西湖竹枝集能掠去豪習刻志詩書與經紳先生游故其詞理婉順如此

謝宗可字 金陵人有詠物詩百首傳世

走馬燈

颶輪擁騎駕炎精飛遙人間不夜城風蠶追星低弄影霜
蹏逐電去無聲秦軍夜潰咸陽火吳炬霄馳赤壁兵更懾
彫鞍年少夢章臺踏破月華明

蓮葉舟

穩櫂紅衣泛渺茫風帆浪檝水雲鄉曉撐太華半峯月晚
載西湖十里香藕放雪絲應作纜荷欹翠柄若爲檣不須
更捲仙人足太乙真人夢正涼

睡燕

補巢銜罷落花泥因頓東風倦翼低金屋晝長隨蝶化雕

梁春盡怕鶯啼魂飛漢殿人應老夢入烏衣路轉迷却怪
捲簾人喚醒小橋深巷夕陽西

賣花聲

春光叫盡費千金紫豔紅香藉好音幾處喚回游冶夢誰
家不動惜芳心韻傳楊柳門庭晚響徹秋鞭院落深忽被
捲簾人喚住蝶蜂隨擔過牆陰

歸田詩話謝宗可百詠詩世多傳謫除走馬燈蓮葉舟睡燕數篇外難得全首佳者彌見邱彥能謫其賣花聲一首百詠中不載詩云云

白雁

翅老西風絕點瑕秋江難認宿蘆花雲邊字缺銀鈎斷月
下筆開玉柱斜影亂飛鷗回遠浦陣迷宿鷺落平沙聲聲

喚起周郎恨爲帶胡霜染鬢華

七修續稿謝宗可有白雁詩而顧文煜亦有之袁景文有白燕詩而周宗吉亦有之膾炙人口惟謝袁之作也

同根竹

競秀亭亭一種奇駢頭曾脫錦裯兒西山二子情依舊湘浦雙娥影鎖隨高節元非連理樹虛心共是傲霜枝莫教移作仙人杖怨化雌雄下葛陂

筆精武夷城高巖有巨竹一幹雙梢予與謝在杭欲賦詩詠之未就也偶閱元人謝宗可詩云云似不能復繼矣

句

篩影細分雲縷滑棋文斜界雪絲乾

月山詩話朱竹垞云網巾之制相傳明太祖見之於神樂觀遂取其式頒行天下三百年未之改然題詠者寡獨藍靜之有二詩余觀謝宗可詠物詩有賦網巾云云蓋元時已有之矣

黃公望字子久自號大癡哥富春人

西湖竹枝集少有大志試吏弗遂歸隱西湖篠箕泉詩工晚唐畫獨追關仝其據梧隱几若忘身世蓋游方之外非世士所能知者也

西湖竹枝詞

水仙祠前湖水深岳王墳上有緩吟湖船女子唱歌去月落滄波無處尋

同同字同初蒙古人狀元及第官至翰林待制

西湖竹枝集詩多臺閣體天不假年故其詩文鮮行於時云

前題

西子湖頭花滿煙
漫郎日日醉湖邊
青樓十丈釣簾坐簫
鼓聲中看畫船

貢師泰字泰父宣城人翰林學士奎子官至戶部尚書

有玩齋集

戴九靈集尚書貢先生晨坐公堂及公館夜坐二
詩甚有陶韋思致予時病脾踰月偶讀數過不覺
栩栩然去體乃知檄愈頭風古誠有是事也

前題

葛嶺東家是相門當年甲第入青雲樓船擰入裏湖去可
曾望見岳王墳

芙蓉葉底雙鴛鴦飛來飛去在橫塘人生多少不如意水
遠山長難見郎

黃季倫字季倫番陽人

西湖竹枝集與危太樸爲唱和友嘗游京師從翰林學士揭公游充三史書寫工畢奉命觀上中書授以長洲縣教諭

前題

錢塘江頭莎草齊
錢塘女兒歌別離
願郎相見如月子
月子團團無暗時

湖上女兒猶褐衣
出門日日望郎歸
春水繞湖春草綠
草上雙雙蝴蝶飛

李廷臣字仲虞台之富海人

西湖竹枝集湖海間多稱道所作仲容丁先生尤愛重之

前題

楊花飛盡荷花開南人北人湖上來蕩舟自唱黃陵

一作菱

曲載得山頭月子回

呂誠字敬夫吳之東滄人

前題

江頭竹枝青復黃纖纖作養蠶筐乍可採桑陌上不
願黃金逢貴郎

賈策字治安大梁人辟爲宗正府幕官至仁和令

西湖竹枝集美丰姿僑居西興有賈公墩嘗自繪巾衣鶴筆吟嘯其上自謂風度去古人不遠詩工唐七言律字行草聯綿

前題

郎身輕似江上蓬昨日南風今北風妾身重似七寶塔南

高峯對北高峯

堵簡字無傲京口人官至江浙行省檢校官張士誠陷
松江遇害

前題

港上蕢蒲翠葉齊鳬鴻雁總來栖勸郎得意且行樂白
亭檜前日易西

楊椿字子壽蜀人後爲吳人爲總兵參謀張士誠兵至

遇害

前題

儂家生長在西湖暮管朝絃隨處呼早聽當初阿嬈語免
教今日悔狂夫

郎去天涯妾在樓西湖楊柳又三秋郎情莫似湖頭水城
北城南隨處流

邊魯字魯生北庭人以南臺宣使奉臺命西諭不屈死

西湖竹枝集善古樂府詩尤工畫花竹

前題

戴勝降時桑葉青梨花開處近清明狂夫歸來未有信蝴蝶作團飛上城

完澤字蘭谷西夏人官平江路萬戶平汀寇有功

前題

花滿蘇堤酒滿壺畫船日日醉西湖阿儂最苦雨離別不唱黃鸝唱鷓鴣

堤邊三月柳陰陰湖上春風似海深游人來往多如蟻半
是南音半北音

謝寅字叔畏上饒人疊山先生諸孫

前題

郎書前月發京華燕子來時當到家記得去年裁白苧郎
君繫馬石榴花

徐夢吉字德符杭之於潛人以茂才舉書院山長官常
熟教授

前題

雷峯港口晚涼夫相喚相呼去採蓮莫爲採蓮忘却藕月
明風定好回船

楊慶源字宗善泗水人官信州永豐縣儒學教諭

西湖竹枝集祖爲止齋先生父爲改改道人俱有詩集行於世

前題

小姑女兒住襄湖年來十八十三餘自從湖口送郎去馬上金錢不受呼

湖中采菱菱刺長芡頭新剝掌中藏掌中芡子眼中淚化作鮫珠來遺郎

劉肅字子威河南開封人試郡從事後棄去

前題

日出放船水中流日落風波浪打頭勸郎移向儂家去楊柳青青堪繫舟

康瑞字瑞玉廬陵人廣東肅政府辟爲掾屬官至富州
判官

西湖竹枝集尤工古樂府邵庵虞公畏友也

前題

大船棹鼓銀酒缸小船吹笛紅繡窗鴛鴦觸櫂忽驚散荷
花深處又成雙

燕子來春雁來秋會見錢王衣錦遊英雄漫說八百里只
管東西十四州

獅子峰頭插將旗鳳凰山下草離離三宮去後宮門閉恰
似錢王獻土時

李庸字仲常婺之東陽人官江陰州知事號用中道人

前題

六橋橋下水流東橋外荷花弄晚風郎心似水不肯定妾
顏如花空自紅

朱彬字仲文盱江人登進士第

前題

南北峯高作鏡臺十里湖光如鏡開行人有心都照見勸
郎肝膽莫相猜

湖水東來日欲西蘭若參差那得齊蘇公堤邊人蕩槳吳
山樹頭鴉欲棲

陸繼善字繼之吳江人自號甫里道人

前題

乙卯二年四月

七

手種宣男寄去時花開灼灼葉離離芳心不似蘆葦草一任春風爛熳吹

鄭賀字慶父諸暨人幼出家晚歸宗

西湖竹枝集詩有詠史自鼎湖訖清風嶺凡二三百首傳於人

前題

北高峯頭儂望夫望見西子下姑蘇脂塘水腥吳作沼莫將西子比西湖

歐陽公瑾字彥珍廬陵人

前題

第一橋邊第一家瓜皮船子送琵琶妾身自是良家女不是當年蘇小家

高克禮字敬臣河間人官慶元理官

前題

第四橋頭第一灣看魚直上玉泉山大魚已逐龍飛去留
得當年舊賜環

屠性字彥德會稽人領至正鄉薦

前題

二八女兒雙髻丫黃金條脫銀條紗清歌一曲放船去買
得新妝茉莉花

李元珪字廷璧河東人

西湖竹枝集作詩若不經思往往超詣穎脫字法
追蹤漁陽

前題

郎去遠過江上山望郎江上幾時還
只怕郎歸不相識湖邊日日照容顏

三月湖邊花亂開江邊望船郎未回
燕子來時春又去心酸不待喫青梅

陳聚字敬德臨海人基兄官常熟州教授

西湖竹枝集詩尤工律體多膾炙人口

前題

茜紅裙子柳黃衣花間採蓮人不知唱歌蕩槳過湖去荷葉荷花風亂吹

張渥字叔厚淮南人

西湖竹枝集善屬文能用李龍眠法爲白描

前題

長簪高髻畫雙鴉多在湖船少在家黃衣少年不相識白日敲門來索茶

陸元泰字長卿吳之崑山人

前題

桃花衝口春水波梅花墓下竹枝歌桃花開處春光老梅
花開處月明多

馬稷字民立吳郡人

西湖竹枝集不經師授而能吟詠雖居賈販而獨能脫去其習者也

前題

與郎別久夢相思不作西園蝴蝶飛化作春深鷗鷺鳥一

丁巳年夏月
聲
聲是勸郎歸

繆侃字叔正吳之常熟人

西湖竹枝集詩工玉臺小體書善楷隸家有述古堂貯法書古物

前題

初三月子似彎弓照見花開月月紅月裏蟾蜍花上蝶憐渠不到斷橋東

任昱字則明四明人

西湖竹枝集少年狎游平康以小樂章流布裙釵晚鏡志讀書爲七字詩甚工

前題

儂住湖邊一作二十年花開花落任春妍門前有個垂楊

樹不著游人繫畫船

蔣克勤字德敏湖州長興人

西湖竹枝集字畫秀潤步追吳興云

前題

題詩秋葉手新裁好似阿儂紅頰腮寄與錢塘江上水早
潮回去晚潮來

錢大有字明遠嘉興人

西湖竹枝集始恨詩不工輒自忿曰杜甫云讀書破萬卷下筆如有神吾患讀不多不患作不工也既而下筆流暢不疑於物

前題

淡黃裙子縷金衫長鬢垂肩短鳳簪不願燕一作西京嫁官
去花枝草蔓自江南

周溥字公輔吳興人領鄉薦

西湖竹枝集其詩如鄉闈新省比事至百韻亦以詩爲史者也

前題

西湖西畔上清家美人有如綠萼華七星道冠拜星斗萬一瓊臺乘紫霞

留客字養愚括蒼人

西湖竹枝集所居好溪有紫芝元鵲嘗著書自號留子云

前題

湖上南風六月涼採蓮驚起雙鶯鶯妾心恰似蓮心苦郎心不似藕絲長

張田字芸已吳郡人

西湖竹枝集五歌詩不務苟作有擬九體詩

前題

潮去潮來春復秋錢塘江水通湖一作潮頭願郎也似江潮
水暮去朝來不斷流

張師賢字希顏崑山人

西湖竹枝集好古物圖畫雜列左右人間欲得之
即便持去毋所顧惜

前題

孤山脚下路三叉孤山墓上好梅花不似馬塍桃李樹隨
春供送別人家

顧敬字思恭吳郡人

前題

元詩紀事卷八

樓船兒女日晚歌蓮心結子綰雙螺湖水瀟瀟湖月白奈爾湖中涼夜何

朱庸字伯常四明人

前題

小姑疑郎去不歸爲郎打瓦復鑽龜青山尚有飛來日不信人無相見時

阿奴采蓮湖上舟阿郎販豆遼東州一心願逐東流水流送遼東古渡頭

李一中字彥初山陰人

前題

阿儂隨郎上釣舟郎作釣絲儂作釣釣絲無釣隨風蕩釣

鈎無絲隨水流

陳樞字仲機

前題

且莫唱君楊白花聽我西湖竹枝歌竹枝青青多竹節楊
花輕白奈君何

鴦鶯宛在水中央恰似阿奴初嫁郎擲却郎君金彈子勸
郎切莫打鴦鶯

莊蒙字子正烏程人

前題

日出襄湖煙水開初陽臺下抱琴來夜深彈罷鳥啼曲明
月自照高高臺

嚴恭字景安吳之練川人

西湖竹枝集築室海上號惜才陰齋

前題

湖中女兒不解愁三三蕩槳百花洲貪看花間雙蛱蝶不知飛上玉搔頭

宋元禧字無逸姚江人明洪武初徵修元史

前題

十三女郎不出門父娘墓在葛山根同攜女伴踏青去不上道旁蘇小墳

湖上采薪春復春養蠶長見繭絲新老蠶不識人間事猶趁東風了此身

張世昌字叔京諸暨人

西湖竹枝集爲詩善比事以故多喜效排律詩至三百餘韻不少衰

前題

秦皇石頭三丈高云是秦王繫船標儂心只似繫船石莫
比郎心船易搖

馬貫字本道紹興人辟府從事不就

前題

吳車軋軋小車紅爭來陌上看春風不敢高聲唱歌去恐
驚丞相在船中

百花樓頭聞馬嘶郎從花裏瞞金雞朝朝捲起珠簾望不
是郎歸不下梯

曹睿字新民永嘉人

前題

昨夜西湖月色多
照見郎君金叵羅
明朝江頭放船去
江亭風雨奈君何

張守中字大本吳都人

前題

西湖女兒似西施
瓜皮小船歌竹枝
郎心如月有時黑
妾身如山無動時

蘇公堤上柳枝枝
月子彎彎似妾眉
記得雙雙拜新月
只今獨有影相隨

沈性字自誠吳興人

前題

儂住西湖日日愁郎船只在東江頭憑誰移得湖山去湖
水江波一處流

燕不花字孟初張挾人

前題

湖頭春滿蘋花香夜深何處有鳴榔郎來打魚三更裏凌
亂波光與月光

西湖竹枝集序前元楊維禎氏寓居湖上曰與鄰
韶輩留連詩酒乃賦西湖竹枝詞一時從而和者
數百家雖婦人女子之作亦爲收錄其山水之勝
人物之庶風俗之富時代之殊一寓於詞各見其
意集成雜錄既加評點仍於諸家姓氏之下注其
平昔出處之詳版行海內而竹枝之音過於瞿塘
東吳遠矣案黃公望以下諸人竹枝集皆無另評今總錄於

此不更次時代分散各卷中焉

許有孚字可行登進士第官至同僉太常禮儀院事

侍兄赴圭塘

時出西門履信坊望中楊柳是圭塘軒車每被童識風物能令杖屢忙山客荷囊多藥草溪人抄紙滿鄰牆年來頗識幽棲樂愈覺林泉興味長詳許有孚下

許楨字元榦有壬子以門功補官太祝

和韻

清晨走馬碧雞坊點檢西園數畝塘花柳前川成自樂輪蹄終日爲誰忙釣魚岸口迎新水沽酒鄰家過短牆半醉莫催翁命觴月明松影引杯長詳許有孚下

馬熙字明初衡州安仁人官右衛率府教授

和韻

年來夢斷鳳池坊
雲影天光有此塘
夜飲不辭歸路遠
晨興更覺攬衣忙
桑麻莽蒼接平野
機杼咿啞聞隔牆
忽有好詩生馬上
眼明雙檜拂雲長

詠許有壬下

漢彥仁字仲溫桐鄉人至元中官吳中棄職歸

句

丈人夜開闢涼月在松頂

桐溪詩述關松月竇以爲吟嘯之所有云云之句
遂以松月道人自號楊維禎爲之記

朱守諒

秋夜偶成

錄一

雨圍江水薄城闥地僻民稀俗化醇暫止熊羆消大暑秋深雲合殄妖氛

湖南南通志詩云云近因洞賊作耗奉命分省勦捕自辰元東下至黔陽時維大暑軍卒疫痢故暫憩是邑秋夜偶成七言六絕以俟同志諸君一笑云至正八年歲次戊子秋七月月中旬朝散大夫湖廣等處行中書省左右司員外郎朱守諒題右刻正書廿二行在黔陽縣學

黃德廣

鄭人

扇上詩

東風一曲浣溪紗
客子行吟對日斜
猶記金陵貰春酒
小姬能唱後庭花

歸田詩話至正初入大都求仕交游竟無一援引之者客居以教書爲生二十年餘始附海舟而歸予從先師往訪之見其所持扇上一詩乃在北日所著詩云云亦醞藉可誦而命運不遇如此

元詩紀事卷九

侯官陳衍緝

錢惟善字思復錢塘人領至正辛巳鄉薦官至副提舉
有江月松風集

南瀛詩話錢思復嘗赴江浙省鄉試時出浙江湖賦三千人中皆不知錢塘江爲曲江思復獨用之蓋出枚乘七發考官得其卷大喜實於前列思復歸乃構曲江草堂暮年自稱曰曲江老人詩談錢惟善鍾湖山之秀而發於詩故多秀句

西湖竹枝詞

阿娘住近段家橋山妬蛾眉柳妬腰黃龍洞前黑雲起早回家去怕風潮

歸田詩話錢思復以浙江湖賦得名起句云維羅刹之巨江今實發源於太末試官喜之遂中選蓋

滿場無知羅刹爲浙江別號者復作西湖竹枝曲
云云先伯元範戲之云此段家橋創見却與羅刹
江不同也蓋西湖斷橋以唐人詩斷橋芳草合得
名亦謂孤山路至此而盡非有所謂段家者

句

笠澤水寒魚尾赤洞庭霜落樹頭紅 漢史丁公那及齒
陶詩甲子不書元

歸田詩話思復號心白道人張氏據吳遂不仕退
居吳江筒川與楊廉夫唱和有句云云蓋感時事
也

句

生前母應金錢夢死後人稱鐵笛仙

雪霏錄楊廉夫先生之母夫人嘗夢神人授金錢
一枚遂娠先生先生卒錢君思復作挽詩云云
盧琦字希韓惠安人登至正二年進士第官至永春縣

尹調甯德

句

嵐氣滿林晴亦雨 溪聲近驛夜如秋
湖生遠浦孤帆小 雨過蒼崖古木寒
小橋跨澗村春急 老樹吹花野店香
暮雲松徑僧歸寺 夜雨蓬窗客在船
門掩落花春去後 夢回殘月酒醒時
梧葉幾番深夜雨 梅花一樹短籬

霜

筆精盧圭齋所著有圭齋詩集歲久弗傳近惠安莊戶部徵甫蒐而梓之誤入雁門薩天錫詩六十一首薩詩世有傳本校者一時未之考耳亟當釐正不然恐以圭齋爲齊邱之盜化書也盧詩自佳如云云清典可誣元詩多纖弱若圭齋者實有唐調者也

孔旼字子充至正壬午鄉貢授宗文書院山長官至照

磨

亂後

故居燒後拾殘編留得陶詩一兩篇彭澤豈堪猶作令義
熙何忍再書年

浙江通志山長秩滿歸隱居養親有經略使至延
見上政畧五篇言天下利害使嘉納之授浙閩照
磨使輔周嗣德守禦元亡不復仕有詩云云

張翥字仲舉晉寧人至正初召爲國子助教官至翰林
學士承旨有蛻菴集

歸田詩話至正初爲集慶路學訓導御史下學點
視廩膳鄰齋出對云笏冠點餽是日適用驥肉仲
舉戲續云驥肉作羹御史聞之大怒欲逮捕之仲
舉乘夜逃奔揚州

西湖游覽志張仲舉翥其先晉寧人父爲杭州鈔
庫副使因家焉翥少時豪放不羈好蹴踘喜音樂

父憂之一旦翻然易轍閉戶讀書從仇仁近學以
詩文名海內

寄浙省參政周玉坡

天子臨軒授鉞頻東南無地不紅巾鐵衣遠道三軍老白
骨中原萬鬼新義士精靈虹貫日仙家談笑海揚塵都將
兩眼淒涼淚哭盡平生幾故人

輟耕錄此至正辛丑間張蠻菴承旨在都下寄浙
省周玉坡參政詩也夫翰苑詞臣而寓言如此則
感時之意從可知矣

西湖水合

西湖雪厚冰徹底行人徑度如長川風吹鹽池結陰鹵日
射玉田生曖煙魚龍穴裏寒更縮鷗鷺沙頭饑可憐安得
長冰通滄海我欲三島求神仙

委巷叢談元至正間西湖冰合故老云六十年
前曾有此異張仲舉賦詩云云

成廷珪字原常蕪城人有居竹軒集

題宋徽宗白頭翁圖

梔子紅時人正愁故宮衰草不勝秋西風吹落青城月啼
得山禽也白頭

筆精宋徽宗示繪畫題咏者多含譏刺元成廷珪題
白頭翁圖云云

陸仁字良貴河南人寓居崑山有乾乾居士集

天馬歌

於穆世祖肇王蹟受天之慶大命集神寓鴻圖大無及功
烈皇皇共開闢四方下上沛流澤列聖相承繼不續哲王
嗣位建皇極大臣弼輔尙禹稷禮樂制度醇有隙六府孔

修萬姓憚天子聖德於昭共念承皇祖心弗宅日月同明
天地廓絕域窮陲歸版籍萬國貢獻歲靡息琛瑤瑰異陋
金錫豈須征討費兵革文懷遠人盡臣服至正壬午秋之
日天馬西來佛郎國佛郎之國邈西域流沙瀕漫七海隔
浪波橫天馬橫涉馬其猶龍弗顛踣東逾月窟過回紇陸
地不毛千里赤太行雪積滑如石電激雷奔走颶歛四年
去國抵京邑俯首闕廷拜匍匐帝見遠臣重怵惕慰勞以
酒賜以帛遠臣牽馬赤墀立金羈絡頭朱汗滴房星下垂
光五色肉駿巍巍橫虎脊崇尺者六修丈一墨色如雲蹄
兩白天閑駢駢俱駿骨天馬來時皆辟易驥駢屈乘未足
惜大宛渥洼斯與敵穆王八駿思游歷漢武窮兵不多得

天馬自來徵有德史臣圖頌永無斁再拜歌詩思彷彿願
帝愛賢如愛物更詔山林訪遺逸治化齊堯日帝業

永固保貞吉天子萬壽天降福

西湖竹枝集詩學有祖法清俊奇偉如佛郎國進
天馬領水仙廟迎送神辭渡黃河望神京諸篇縉
紳先生莫不稱道之

高明字則誠永嘉平陽人至正五年中第授處州錄事

辟丞相掾入明不仕有柔克齋集

和趙承旨題岳王墓韻

莫向中原歎黍離英雄生死係安危內廷不下班師詔朔
漠全歸大將旗父子一門甘仗節山河萬里竟分支孤臣
尙有埋身地二帝游魂更可悲

輟耕錄讀此詩而不墮淚者幾希

西湖游覽志岳墳詩趙子昂文韻難和徐孟岳和

云云高則誠云云

謝應芳字子蘭武進人至正初舉爲三衢書院山長入

明不仕有龜巢稿

明史隱白鶴溪上構小室顏曰龜巢因以爲號

過吳江三高祠

三高祠前秋水波客來弔古悲且歌季鷹魯望桑梓敬蠡
也籩豆理則那生爲越人身相越百計謀吳吳乃滅眞憂
鳥啄將無情兔死狗烹肝腦裂飄然攜手湖海游捧心人
與同扁舟越人誇功鑄金像於吳孰曰非仇讐行裝重寶
久彌厚清高之風絕何有奉嘗堪笑木腸兒忍睹荒臺麋

鹿走江風肅肅楓葉寒扣舷折我青琅玕靈胥怒抉海潮
起殷若雷鳴過雪灘

南濱詩話三高祠在吳江長橋南中祀越上將軍范蠡晉大司馬東曹掾張翰唐贈右補闕陸龜蒙毗陵謝應芳嘗上書行省欲去范蠡像會世變弗果

金涓字道原義烏人有青村遺稿

絕句

燕子飛來近畫簷暮春時節雨纖纖杏花落盡無情緒何處人家有酒帘

句

遠峰晴見色獨樹暖無聲人行秋葉滑鶴立晚松涼

筆稿元末金青村涓與邑人吳萊宋濂友善有詩名嘗賦詩云云又云云皆佳句也

袁介字可潛其先蜀人占籍華亭至正間爲府掾

藝苑卮言袁可潛如師手鳴琴流利有情高山尚遠

踏災行

一作檢田吏
一作踏車行

有一老翁如病起破衲_監毛瘦如鬼曉來扶向官道傍哀告行人乞錢米時子奉檄離江城邂逅一見憐其貧倒囊贈與五升米試問何故爲窮民老翁答言聽我語我是東鄉李福五我家無本爲經商只種官田三十畝延祐七年三月初賣衣買得犁與鉏朝耕暮耘受辛苦要還私債輸官租誰知六月至七月雨水絕無潮又竭欲求一點半點水却比農夫眼中血滔滔黃浦如溝渠農家爭水如爭珠數車相接接不到稻田一旦成沙塗官司八月受災狀我

恐徵糧喫官棒相隨鄰里去告災十石官糧望全放當年
隔岸分吉凶高田盡荒低田豐縣官不見高田旱將謂亦
與低田同文字下鄉如火速逼我將田都首伏只因嗔我
不肯首却把我田批作熟太平九月開旱倉主首貧乏無
可償男名阿孫女阿惜逼我嫁賣陪官糧阿孫賣與運糧
戶即日不知在何處可憐阿惜猶未笄嫁向湖州山裏去
我今年已七十奇饑無口食寒無衣東求西乞度殘喘無
因早向黃泉歸旋言旋拭腮邊淚我忽驚慚汗沾背老翁
老翁無復言我是今年檢田吏

輟耕錄此袁介踏災行也可以爲民牧不恤民瘼者之勸介字可潛嘗據松江蓋能以儒術飾吏事

蓬窗日錄讀袁介踏災行手錄一通彼苛吏者不

慨然可謂無人心矣

達不花

宮詞

墨河萬里金沙沙漠世祖深思創業難却望闌干護青草丹墀留與子孫看

草木子元世祖皇帝思太祖創業艱俾取所居之地青草一株置於大內丹墀之前謂之誓儉草蓋欲使後世子孫知勤儉之節至正間大司農達不花公作宮詞十數首其一云云

楊允孚字和吉吉水人

灤京雜詠

北顧宮庭暑氣清神堯聖禹繼昇平今朝建德門前馬千
里灤京第一程此以下多述途中之景行幸上京蓋二云避暑也

納寶盤營象輦來畫簾氈暖九重開大臣奏罷行程記萬

歲聲傳龍虎臺

龍虎堂納寶地也凡車駕行幸宿賴之所謂之納寶又名納鉢

居庸千古翠屏環飛騎將軍駐兩關萬里車書來上國太

平弓矢護青山

兩關謂南北口

穹崖幻出梵王宮雙墮中間一逕通四月雨餘山更碧六

龍行處日初紅

至正年間始營雙墮宮開巍峨直通絕嶺

翎赤王侯部落多香風簇簇錦盤陀燕姬翠袖顏如玉自

按轅條駕駱駝

轅條車前橫木按之則輕重前後適均

仙峽琴鳴水木多別離見月奈愁何題名石壁遼金字宿

雨殘風半滅磨

彈琴峽也

狼山山下曉風酸掩面佳人半怯寒倚戶殷勤喚嘗粥正

宣倦客宿征鞍

俗賣豆粥

榆林御苑柳絲絲昨夜宮車又黑闌宿衛一時金帳卷鎗
竿珍重白雲飛此處有御苑黑闌地名大駕經由之所俗云龍上槍竿是以御駕不由此處

汲井佳人意若何輶輶渾似挽天河我來濯足分餘滴不及新豐酒較多此地慳水故也

馬上重看尖帽山山頭無數白雲閒漢家天子真龍種坏
土長陵爲設關酒葬后妃之所設衛卒焉

驅車偏嶺客南還始見胡姬笑整鬟誰信片雲三十里寒
喧只隔此重山過人到偏頭之北面不可洗頭不可梳冷極故也過此始有暖意素非高嶺寒暄止

隔于此良可怪也歟

李陵臺畔野雲低月白風清狼夜啼健卒五千歸未得至
元詩紀事卷九

今芳草綠萋萋

此地去京百里許

鴛鴦陂上是行宮又喜臨岐象駁通芳草撩人香撲面白
翎隨馬叫晴空

由黑圍至此始合轍焉即察罕腦兒白翎草地所產

歡喜坡邊望禁城鸞翔鳳翥卿雲清舉杯一吸灤陽酒消
盡南來百感情

此以下叙灤京之景及聖駕往還典故之大概

鐵番竿下草如茵澹澹東風六月春高柳豈堪供過客好
花留待踢青人

即斡耳朵踏青人指宮人也

先帝妃嬪火失房前期承旨達灤陽車如流水毛牛捷轡
縷黃金白馬良

毛牛其毛垂地火失耗房乃累朝后妃之宮車也

聖祖初臨建國城風飛雷動蟄龍驚月生滄海千山白日
出扶桑萬國明

上京大山舊傳有龍居之奉白宥通

北闕東風昨夜回今朝瑞氣集蓬萊日光未透香煙起御道聲鼙駝鼓來

謂駱駝鼓也

又是宮車入御天麗殊歌舞太平年侍臣稱賀天顏喜壽酒諸王次第傳

千官至御天門俱下馬徒行獨至尊騎馬直入前有教坊舞女引導且歌且舞舞出

天下太平字樣至玉階乃止內門曰御天之門

九奏鈞天樂漸收五雲樓閣翠如流宮中又放灤河走相

國家奴第一籌

灤河至上京二百里走者名貴赤黎明放自灤河至御前已初中刻者上賞

大安閣下晚風收海月團團照上頭誰道人間三伏節水

晶宮裏十分秋

大安閣上京大內也別有水晶殿

四傑君前拜不名輪番內直夾辰更蓬萊山上羣仙集得似王孫世祿榮

四傑即四怯薛也或稱也可怯薛者即大怯薛之稱是之謂不名當三間凡所以夾

辰一更
者也

北極修門不暫開兩行宮柳護蒼苔有時金鎖因何掣聖
駕棕毛殿裏回

棕毛殿在大幹耳旁

千官萬騎到山椒個個金鞍雉尾高下馬一齊催入宴玉

闌干外換宮袍

每年六月三日詐馬筵席所以喻其盛事也千官以雉尾飾馬入宴

錦衣行處狡貌習詐馬筵前虎豹良特勅雲和龍絃管君

王有意聽堯綱

詐馬筵開盛陳奇獸宴享既具必一二大臣稱吉思皇帝禮撤於是而後禮有文飲

有節矣雲和署隸儀鳳司樂掌天下樂工

儀鳳伶官樂既成仙風吹送下蓬瀛花冠簇簇停歌舞獨

喜簫韶奏太平

儀鳳司天下樂工隸焉每宴教坊美女必花冠錦繡以備供奉

事來新貢又殊方重譯甯誇自越裳馴象明珠龜九尾皇

王不寶

壽無疆萬歲山有

九尾龜

烹魚貢自黑龍江西域蒲萄酒更良南土至奇誇鳳髓北

陞獎品是黃羊

黑龍江即哈八都魚也鳳髓茶名黃羊北方所產御膳用

太平天子重文曹閣建奎章選俊髦一自六龍天上去至

今黃帕御牀高

昔文宗建奎章閣于大內年深灑掃賜御榻之巍然感而賦此

內人調膳侍君王玉仗平明出建章宰輔乍臨闈闈表小

臣傳旨賜羊湯

御前廚常膳有曰小廚房大廚房小廚房則內人几珍之奉是也大廚房則宣徽所

掌湯羊是也由內及外外膳既畢羣臣始入奏事每湯羊一膳具十六餐餘必賜左右大臣曰以爲常予常職賜故

悉其詳

香車七寶固姑袍旋摘修翎付女曹別院笙歌承宴早御

園花簇小金桃

凡車中載固姑其上羽毛又尺許拔付持手持對坐車中雖后妃駕象亦然

內宴重開馬漚澆嚴程有旨出丹霄羽林衛士桓桓集太

僕龍車款款調

馬漚馬嬪子也每年八月開馬嬪子始奏起程太僕寺掌馬者

鸞輿八月政高翔玉勒雕鞍萬騎忙天上龍歸纔帶雨城

頭夜半又經霜

每年駕起其夕即霜異哉

南坡暖翠接南屏雲散風輕弄半晴寄與行人停去馬六

龍飛上計歸程

南坡乃納賚地也故遊人罕至焉

月出王孫獮兔忙玉驄拾矢戲沙場皮囊乳酒鑼鍋肉奴

視山陰對角羊

良馬驄馳拾墮箭橋綠羊或四角六角者謂之迭角羊迭義未詳以其角之相對故

曰對角毛角雖奇香味稍別故不升之

鼎俎於以見天朝之玉食有等差也

雍容環佩肅千官空設番僧止雨壇自是半晴天氣好螺

聲吹起宿雲寒

西番種類不一每即殊禮燕享大會則設止雨壇於殿闈時因所見以發一哂

正元紫禁肅朝儀御榻中間寶帕提玉母壽詞歌未徹雪
花片片彩雲低

此以下多叙一年之景并雜詠之物

試數窗前九九圖餘寒消盡暖回初梅花點遍無餘白看
到今朝是杏株

冬至後貼梅花一枝於窗間佳人曉妝日以臘脂圖一圈八十一圈既足變作杏花

即暖回矣

脫圈窈窕意如何羅綺香風漾綠波信是唐宮行樂處水
邊三月麗人多

上已日灤京士女競作繡墻臨水棄之即修禊之義也

百戲遊城又及時西方佛子閣宏規綵雲隱隱旌旗過翠
閣深深玉笛吹

每年六月望日帝師以百載入內從西華入然後登城設宴謂之遊皇城是也

蒲萄萬斛壓香醪華屋神仙意氣豪酬節涼糕猶未品內
家先散小絨絲

重午節也

紫菊花開香滿衣地
椒生處乳羊肥
氈房納石茶添火
有女褰裳拾糞歸

紫菊花惟藻京有之名公多見題品地
草牛羊食之其肉香肥納石體韌茶

爲愛琵琶調有情
月高未放酒杯停

新腔翻得涼州曲

彈天海青擎天
鵝新聲也

海紅不似花紅好
杏子何如巴欖良
更說高麗生菜美
總

輪山後麼荔香

海紅花紅巴欖仁皆果名高麗人
以生菜裹飯食之尖山產蘿荔

偶因試馬小盤桓
明德門前御道寬
樓下綠楊樓上酒
年

萬國會衣冠

明德門
午門也

怪得家童笑語回
門前驚見事奇哉
老翁揣鼠街頭賣
碧

眼黃鬚騎象來

黃鼠濶
京奇品

東風亦肯到天涯
燕子飛來相國家
若較內園紅芍藥
洛

陽輸却牡丹花

內園芍藥迷望亭亭直上數尺許花大如斗揚州芍藥稱第一終不及上京也

時雨初肥芍藥苗

芍藥初生軟

惜名花第一嬌

草地芍藥美居人多采食之

霜寒塞月青山瘦

草實平坡黃鼠肥欲問前朝開宴處白

頭宮使往還

希文宗曾開宴於南坡故云

雖然玉宇桂無花

秋比江南分外佳絃管畫樓人散去舍

郎搆妓勸嘗瓜

俗以月下送瓜果往還上京不產桂花

御饌官廚不較餘

金門掌膳意勤如更分光祿瓶中酒爛

醉歸時月上初

凡御膳及民間者謂之貢餘光祿寺掌御酒

別却郎君可奈何

教坊有令趣興和當時不信郵亭怨始

覺郵亭怨博多

興和署迺教坊司屬掌天下優人

卷之三

三

出塞書生瘦馬騎野雲片片故相隨
凍生耳鼻雪堪理冷入肝腸酒強支

凡凍耳鼻即以雪揉之方回近火則脫

買得香梨鐵不如玻瓈碗裏凍潛蘇書生半醉思南土一曲鎧前唱

烏鳥梨子受凍其堅如鐵以古井水浸之則味回可食

藻京雜詠羅大已跋楊君以布衣從當世賢士大夫遊襍被出門歲走萬里耳目所及窮西北之勝具江山人物之形狀殊產異俗之瑰怪朝廷禮樂之偉麗尤喜以詠歌記之予索居聞見甚狹獨竊愛中臺馬公祖常奎章虞公集翰林柳公貫時能以雄辭妙筆寫其一二今得楊君是集又爲增益所未見俯仰今昔又一時矣

方子京字 分水人

鑑湖風月

賀仙歸去隱滄浪萬頃晴波一鏡光龍瑞尙存古時跡鴻

嬉猶帶晉餘芳兩堤楊柳三更影千樹芙蓉五月涼後數百年無問處雲山煙水共蒼茫

浙江通志至正十一年應薦起試以鑑湖風月詩時試者百餘人惟子京擢居前列除嘉興路教授致仕歸

陳高字子上平陽人登至正十四年進士第授錄事別號不繫舟漁者

種槿花

炎方有槿樹衣被代蠶桑舍西得閒園種之漫成行苗生初夏時料理晨夕忙揮鉏向烈日灑汗成流漿培根澆灌頻高者三尺強鮮鮮綠葉茂爍爍金英黃結實吐秋葩皎潔如雪霜及時以收斂采之動盈筐緝治入機杼裁剪爲

衣裳禦寒類挾纊老稚免淒涼豪家植花卉紛紛破垣墻
於世竟何補爭先翫芬芳棄取何相異感物增惋傷

木綿譜宋末木綿之利尚在閩中而江南無此種也元人陳高有詩云云高元末人而隙地初學種之則其來未久可知

周志遠字吉水人以危素薦授太子說書

自題其像

十年塵土變形容惟有丹心日月同北海子卿羝不乳未應已在畫圖中

江西通志周志遠生於元仕於元然其心若有不自得者嘗自贊其像云云

鄭玉字子美徽州歙縣人至正十四年除翰林待制辭疾不起明兵至將要致之自經死學者稱師山先生

生有師山集

師山書樓成唐長孺先生賦詩見寄次韻

居山日夕見山容環堵蕭然一畝宮我喜煙雲來几上人
看樓閣出空中夜深月色偏明朗曉起嵐光更鬱葱若比
羊裘軒上景臨江惟欠一絲風

師山先生文集余以才疎學陋一無所用於世退而躬耕艤畝將以自養間有朋游相從講學乃築室師山之上以爲肄習之所

陳謙字子平吳郡人

勉學詩

錄一

黃河西北來云是崑崙邱經行非一山回薄半九州上有
不測源下有無盡流萬化同此機不知幾春秋分明天地

心不爲淺狹謀癡人用小計顛倒若無求安得申韓氏化爲古伊周

菽園雜記遜志齋集二十卷其二十八卷內勉學詩二十四章一本蘇士陳謙子平所作誤入方集耳

子平元末人張士誠兵至吳有突厥入其室者脇其兄訓使拜不屈刃其胸子平以身翼蔽并遇害平生著述甚富兵後散亡獨所著易解詁二卷及古今詩數十篇傳於世正統間吾昆山所刻養蒙大訓收其詩予幼嘗見之京師士人徐本以道亦嘗刻其詩印行後有國初韓奕公望跋語韓徐皆蘇人

案明詩綜方孝孺下登此一首

鄭元祐字明德處州遂昌人至正丁酉除平江路儒學教授有僑吳集

橋溪集以右臂疾左書號尚左生

溫日觀畫葡萄

伊昔錢塘溫日觀醉兀竹興殊傲岸却將書法畫葡萄張
顛草聖何零亂枝枝葉葉點畫閒醉瞠白眼看青天狂呼
大盜楊都統天不汝誅吾厚顏楊加筆死曾不畏故老言
之淚尙潛畫成葡萄誰賞識惟有鮮于恒嘵嘵醉叩齋室
支離疏撫摩悲歌淚墳臆鮮干設浴師浣之爲師滌垢曾
弗辭人言結襪張廷尉千載風流甯異茲蔓如龍鬚實馬
乳問師揮毫矣獨取只因漢使還持來野老詩成淚如雨

遂昌雜錄宋僧溫日觀居葛嶺瑪瑙寺人但知其
畫葡萄不知其善書也今世傳葡萄多假其眞者

枝葉鬚梗皆草書法也酷嗜酒楊繪統以名酒咭
之終不一沾唇見輒忿罵曰掘墳賊掘墳賊惟鮮
于伯機父愛之溫時至其家袖瓜啗其大龜抱軒
前支離叟或歌或笑每索湯浴鮮于公必躬爲進
操豆支離叟即伯機家所種松也

顧觀字利賓丹陽人官星子縣尉遇亂流寓紹興

過松江詩

吳淞三萬六千頃震澤與之俱渺茫鴻雁一聲天接水蒹
葭八月露爲霜秋風漫引漁人苗落日偏驚買客航三十
年前此來往塵纓猶未濯滄浪

觀故述顧利賓過松江詩云云

句

重經白下橋頭路頗憶元都觀裏花

藝苑卮言觀送人詩云云吳江詩鴻雁一聲云云
此等語參之貞元長慶亦無媿色

伯顏字子中西域人官至兵部侍郎

元史其先西域人後仕江西因家焉子中明春秋
五舉有司不第行省辟授東湖書院山長江南盜

起授分省都事使守懲州而陳友諒兵已破懲子
中倉卒募吏民與關城下不勝脫身間道走閩陳
友定素知之辟授行省員外郎出奇計復建昌浮
海如元都獻捷持節發廣東何真兵救閩至則廖
將軍永忠已降何真子中跳墜馬折一足致軍前
永忠欲脅降之終不屈義而舍之變姓名冠黃冠
浮行江湖間太祖求之不得備錄其妻子子中竟
不出久之事寢解乃還故里洪武十二年詔令郡
縣舉元遺民將官之不應者論重辟布政使沈本
立密言子中於朝詔以幣聘使者至子中太息曰
死晚矣爲歌七章飲酖而死

七哀詩七首

有客有客何纍纍國破家亡無所歸荒村獨樹一茅屋終
夜泣血知者誰燕雲茫茫幾萬里羽翮鎧盡孤飛遲嗚呼
我生兮亂中遘不自我先兮不自我後
我祖我父金月精高曾累世皆簪纓歲維丁卯吾以生於

赫當代何休明讀書願繼祖父聲白頭今日俱無成我思
永訣非沽名生死逆順由中情神之聽之和且平嗚呼祖
考兮俯饑假籩豆失薦兮我之責

我母我母何不辰腹我鞠我徒辛勤母兮淑善宜壽考兒
不良兮負母身殼維新兮酒既醇我母式享無悲辛嗚呼
母兮母兮無遠適相會黃泉在今夕

我師我師心休休教我育我靡不周四舉濫叨感師德十
年苟活貽師羞酒既陳兮師戾止一觴我奠涕泗流嗚呼
我師兮母我惡舍生取義未遲暮

我友我友全公海公愛我愛我兮人誰與同惟公高節兮
寰宇其空百戰一死兮偉哉英雄嗚呼我公兮斯酒斯酌

我魂我魄兮惟公是托

我子我子兮嬌且癡去住存沒兮予莫女知女既死兮骨當朽女苟活兮終來歸嗚呼女長兮母我議父不慈兮時不利

鳩兮鳩兮置女已十年女不違兮女心斯堅用女今日兮人誰我寃一觴進女兮神魂妥然嗚呼鳩兮果不我誤骨速朽兮肉速腐

七修類稿先一夕具牲體作七哀詩祭其先與昔時共事死節之士復手書短歌一篇寄別熊釗以
後事屬之飲藥而卒詩云云

舒頤字道原績溪人元末台州學正明初禮聘以疾辭不出學者稱貞素先生有華陽貞素齋集

寄興

湖海半生客乾坤一布衣義哉周伯叔飽食首陽薇

列朝詩集道原辭召之後名其齋曰貞素嘗有詩云云其寄託如此

周必達天台山隱士

題屏上

海角愚夫不自斟
妄起關中逐鹿心
命運由來非力致
項羽英雄亦就擒

聖起雜事方谷珍起兵時嘗造天台山隱士周必達問計必達曰當今四方雖亂君舉義爲天子除逆斯名正言順富貴可致耳餘非我所知也谷珍不別而去必達意珍復來乃題句屏上云云遂薄妻子入山中明日谷珍果來恨不先殺之焚臘去後谷珍事不成爲兵所困方悔曰不意苗毛裔人能料事至此嗚呼晚矣乃投水而死

沈貴

諷兄詩

錦衣玉食非爲福 檀板金樽可罷休
何事子孫長久計 瓦盆盛酒木綿裘

天祐識餘沈富字仲榮行三人因以萬二秀呼之
元末富甲天下其弟貴以詩諷萬三云云萬三不
聽貴遂隱於終南不知所終洪武初每縣分人爲
哥時郎官秀五等家給戶由一紙哥最下秀最上
每等中又各有等鉅富者謂之萬戶三秀如沈萬
三秀乃秀之三者

潘時雍字 錢塘人

徐一夔獨樹軒

瀟灑幽軒面水開軒前老樹倚雲栽間來倚杖過三市醉
後支頭看百回風雨欲隨龍化去雲霄常聽鶴飛來結鄰

擬共榮枯事遞莫人知是散材

東城雜記元末潘時雍居郡城東宋董院故址有隙地十餘畝古井一區簡淡力學詩句脫塵嘗賦二云教授海鹽之黃灣見海宇兵起遂歸抱甕而隱自號灌園生

顧素字世通歸安人

句

家人不笑營生拙野老空嘲歷聘忙

湖州府志元末兵亂遷徙不遑未嘗廢學洪武初累聘不起有二云之句

沈貞字元吉長興人元末隱居自號茶山老人入明不仕有茶山集

樂神曲

樂神曲者擬楚辭九歌而作也吳人尚鬼祀必以巫

覲迎送舞歌登獻其辭藝嫚禳災徼福不知其分滋
黷甚矣故爲此辭以明鬼神之理禱祀之意祛其荒
淫之志焉

波震蕩兮具區既底定兮奠神之居芙蓉兮菱車導翠龍
兮文魚神之來兮孰俱後子皮兮前靈胥與神游兮湖之
瀦衝風息兮極浦有倡兮妙舞有冽兮清酤神飽聿歸兮
或返而顧灌吾田兮受神之祐

右太湖神

雄何爲兮厲於鄉祀有時兮享有嘗赭白馬兮青蓋明而
無兮晦而在屏方相兮去儻神巫進兮舞且歌雄欣欣兮
遠逝不水旱兮不疵厲樂吾民兮世世

右鄉厲

兩旗兮分張舞輕風兮悠揚神之司兮我疆原田每每兮立我青秧不稂不莠兮無虸無蚄時雨兮時暘俾百穀兮登場維神兮降康報之肴兮蒸腊羊

右青苗神

靜志居詩話集五十卷惜不傳從陳編中搜得樂
神曲一十三首不無冗長且多闕文因汰其六稍
爲刪易補綴頗覺奇古

案茲又節錄其二

韓介玉

嘲張仲舉

垂柳陰陰拂翠簷倚欄紅袖玉纖纖先生掉臂長街過十
里朱樓盡下簾

歸田詩話時揚州方全監衆素聞仲舉名皆延致之仲舉肢體昂藏行則偏竦一肩韓介玉以詩嘲之云云坐中皆失笑時有相士在座或曰仲舉病鶴形也相士曰不然此淋鶴雨霧則冲霄矣後入大都致位貴顯果如其言

程渠南 松陽人

丁寧戲作

頭子光光脚似丁祇宜豆腐與波稜釋伽見了呵呵笑煮殺許多行脚僧

草木子松陽縣詩人程渠南滑稽之士也與僧信道元同齋食蕈道元請渠南賦蕈詩應聲云云聞者絕倒

魯琪琳

口占

三百五篇風雅頌世人能讀少人觀吟哦須得自情性雕琢反愁失肺肝春草池塘中造化梅花香影外波濶熟柔熟究工夫到始信仙凡共一丹

湖州府志魯琪琳烏程人古樸不樂仕進能詩文沈夢麟叩其詩法因口占示之云云